

SCRIPT OF MORNING GOJRI NEWS BULLETIN 1MAY 2025 1015HRS

مارننگ گو جری نیوز بلیٹن مورخہ 1 مئی 2025

یوہ آکا شوانی جموں ہے محمد اکرم تیں خبر سُنو۔

WAVES SUMMIT

بھارت اچ ممبئی مانہ جیو ولد کنونشن مرکز تیں پہلی واری ولڈ آڈیو ویزول انٹرنیشنل سمٹ ویوز ۵۲۰۲ غی میزبانی کرے گو وزیر اعظم نریندر مودی اس تقریب گو افتتاح کریں گا اس سمٹ گو موضوع ہے فنکاران نانہ آپس مانہ جوڈ غے دنیا غ مختلف مُلکاں نانہ قریب لانو۔ اس سمٹ غو مقصد بھارت غا خبراں آلا شعوبہ تفریحی مواد تے نوی ٹیکنالوجی مانہ عالمی مرکز بننو ہے اس مانہ عالمی ذرائع ابلاغ غا ماہرین غے درمیان خریداراں تے فروخت کنندگان غی ملاقات وے غی فلم او ٹی ٹی گیمنگ مصنوعی زبانت جیسا نوا منصوبہ دسیا جیں غا۔ ویوز سمٹ غو ہدف ہے کہ ۹۲۰۲ توڑی ۰۵ ارب دالر غو بازار کھولو جے۔ جیہڑو وزیر اعظم غا اُس نظریہ نانہ ظاہر کرے، جس مانہ تخلیقی صلاحیت ٹیکنالوجی تے مہارت نانہ ملا غے دنیا ور اثر کھلیو جاسکے۔

LG MEETING

لیفٹیننٹ گورنر منوج سنہا نے گزشتہ روز جموں کشمیر مانہ حفاظتی صورتحال غو جائزہ لین واسطے ایک اعلیٰ سطحی میٹنگ غی صدارت کی آکاشوانی جموں گا نمائندہ غے مطابق ایل جی نے کہیو کہ دہشت گرد تے اس غ اپورا جال نانہ ختم کرن واسطے مضبوط تے مربوط اقدامات کیا جیں۔ انہاں نے مزید کہیو جموں کشمیر غی عوام تے پورو ملک غو عزم ہے کہ پڑوسی ملک تیں آن آلا دہشت گرد نانہ جڑ تیں ختم کریں ہم نانہ اس مقصد نانہ پور وکرن واسطے عزم کرنو وے غو۔ لیفٹیننٹ نے پولیس نانہ ہدایت دتی کہ چھپ غے مدد کرن آلا لوکاں غے خلاف سخت کارروائی کریں جیہڑا دہشت گرداں نانہ شہولیت فراہم کریں اس میٹنگ مانہ جموں کشمیر غا ڈی جی پی نلین پرہات داخلہ غا پرنسپل سیکرٹری چنداگر بھارتی تے دیگر اعلیٰ افسراں نے شرکت کی۔

Dy CM PUBLIC DARBAR

نائب وزیر اعلیٰ سریندر چودھری نے گزشتہ روز نوشہرہ غی پنچایت بھوانی اے مانہ ایک عوامی کیمپ منعقد کیو اس دوران مقامی لوکاں نے کئی مطالبات چایا جنمانہ سرحد غا بنکر غی تعمیر جموں کشمیر بینک غی شاخ تے اے ٹی ایم سہولیات غو قیام شامل تھولوکاں نے بھوانی تیں قلعہ درہال سڑک ور زمین غا حصول غے بدلے معاوضہ تے بھوانی مانہ شالاکھ سڑک غی تکمیل غی وی منگ کی نائب وزیر اعلیٰ نے یقین دوايو کہ تمام مسائل غو مقررہ وقت مانہ حل کڈیو جے غو۔ انہاں نے بھوانی اے مانہ ۰۳ لکھ روپیہ غی لاگت تیں پنچایت گھر غی تعمیر غی سنگ بنیاد رکھی، جیہڑو راشٹریہ گرام سواراج مہم غے تحت وے غو۔

SAKEENA GREETINGS

وزیر تعلیم سکینہ اتو نے کل اعلان کردہ نتائج مانہ کامیابی حاصل کرن آلا ۲۱ وی جماعت غا طلبہ نانہ دلی مبارک باد دتی۔ اپنا مبارک باد پیغام مانہ انہاں نے تعلیمی فضیلت حاصل کرن

واسطے طالب علماں گی لگن محنت تے ثابت قدمی گی تعریف کی وزیر موصوفہ نے مجموعی طور ور پاس ہون تے اعلیٰ پوزیشن حاصل کرن آلاں لڑکاں نانہہ پچھلے چھوڑن آلی گڑیاں گی تعریف کی اُنہاں میمزید کہیو کہ کڈیاں ہر شعوبہ مانہہ شاندار کارکردگی گو مظاہرو کر رہی ہے۔ وزیر موصوفہ نے ان نانہہ کہی وجے مستقبل گا مواقع واسطے حوصلہ بلند تے توجہ مرکوز رکھیں۔

ADMN SECYS

حکومت نے بدھ واریں ایک حکم نامو جاری کیو ہے جس مانہہ اُنہاں نے انتظامی سیکرٹری تے اس سطح گا محکماں گا سربرہاں نانہہ ۵ مئی ۲ ہزار ۵۲ تون سیول سیکرٹریٹ سرینگر تون کم کرن واسطے کیو ہے آکاشوانی جموں گا نامہ نگار نے اطلاع دتی ہے کہ اس سلسلہ مانہہ جنرل انتظامہ محکمہ گی طرفوں ایک حکم نامہ مانہہ مزید کیو گیو ہے کہ انتظامی سیکرٹری تے محکماں گا سربرہاں ۵ مئی ۲ ہزار ۵۲ تون سرینگر سیول سیکرٹریٹ مانہہ اپنی دستیابی نانہہ یقینی بناویں حکم نامہ مانہہ یو وی کی وگیو ہے جے وے کم گی ضرورت گے مطابق سیول سیکرٹریٹ جموں مانہہ حاضر ویں گا تے اس سلسلہ مانہہ سول سیکرٹریٹ گا انتظامی محکماں گا عملہ گی دستیابی گا انتظامات متعلقہ محکمہ گے زریعے طے کی جیں گی۔

HAJ COMMITTEE

حج کمیٹی نے بدھ واریں اس سال حج واسطے سرینگر تون روزانہ ہون آلا عازمین حج گا پہلا کافلہ واسطے ہوائی جہازاں گا شڈیول جاری کیا ہیں آکاشوانی جموں گا نمائندہ نے اطلاع دتی ہے کہ ایک سرکاری نوٹفکیشن گے مطاب پہلی پرواز ۴ مئی ۲ ہزار ۵۲ نانہہ اُڑان پرے گی اس پروان مانہہ سفر کرن آلا عازمین حج نانہہ روانگی گے دن سویر ۵ بجے تیں ساڈھے ۵ گے درمیان حج ہاوس بمنہ سرینگر مانہہ رپوٹ کرن گی ہدایت کی گئی ہے کمیٹی نے کیو ہے کہ باقی ماندہ عازمین حج واسطے تاریخ بارے الگ تیں اطلاع جاری کی جے گی۔ واضع رہ جے جموں کشمیر گا ۶۳ سو تیں زیادہ عازمین حج اس سال سرکاری کوٹہ غے تحت حج ادا کرن آلا ہیں۔

SECY HEALTH

آئندہ امرناتھ جی یاترہ واسطے دتی جان آلی صحت سہولیات بازے بازاں خود جابازہ خاطر صحت تے طبی تعلیم گا سیکرٹری ڈاکٹر سید عابد رشید شاح نے کل بیس کیمپ ہسپتال بال ٹال تے بنیادی صحت مرکز سونا مرگ گو دورو لایو سیکرٹری نے ۱ سو بستراں آلا بیس کیمپ ہسپتال بال ٹال مانہہ اہم طبی سہولیات گو معاینو کیو جدکہ پی ایچ سی سونہ مرگ مانہہ اُن نے صحت گی سہولیات گا بکھ بکھ حصاں گی جانچ کی ڈاکٹر شاح نے یاترہ ہا آغاز تیں قبل تمام طبی خدمات گی مکمل تیاری گی ضرورت ور زور پایو تے نال ہی اُن نے یاترہ گا رستاں طبی ٹیمیاں غے علاوہ بیس کیمپ ہسپتال بال ٹال تے پی ایچ سی سونہ مرگ گے درمیان قریبی تال میل برقرار رکھن ور زور پایو۔
